



# Al Madina Masjid

La Rue Brabant (Ancien La Rue Moka)

## Dars No. 19

Mercredi 15 Février 2017 – 15 Jamaadal Oulaa 1438

**Hadith An Nawawi (رضي الله عنه) : Hadith No. 5**

عَنْ أُمِّ الْمُؤْمِنِينَ أُمِّ عَبْدِ اللَّهِ عَائِشَةَ رَضِيَ اللَّهُ عَنْهَا، قَالَتْ: قَالَ: رَسُولُ اللَّهِ صَلَّى اللَّهُ عَلَيْهِ وَسَلَّمَ "مَنْ أَحَدَّثَ فِي أَمْرِنَا هَذَا مَا لَيْسَ مِنْهُ فَهُوَ رَدٌّ"

Depuis Hazrat 'Aisha (رضي الله عنها) fine dire : ' Le messenger d'Allah (ﷺ) fine dire : 'Celui ki introduire ene kitchose dans sa affaire ki appartenir a nous (Deen) et ki pas depuis li (Deen), bizin rejette li (kitchose ki fine introduire la).'

Note: C'est ene hadith ki clairement montrer ki tout action ki pas d'apres Shari'ah li rejeter par Islam – tout kitchose ki pas d'apres principe de deen. C'est ene hadith ki kose lors topique de Bid'ah – innovation. Mais nous bizin conner ki ene 2 kaliter Bid'ah. Ene nous dire Bid'ah hasanah ou Sunnatun Hasanah (ene bon kitchose ki fine apporter dans deen) et ene lot nous dire Bid'ah sayyi'ah ou Sunnatun Sayyi'ah (ene mauvais kitchose ki fine apporter dans deen). Si fine introduire ene kitchose dans deen et ki perna aucaine preuve pour sa ou perna aucaine 'Khair' bien la dans, alors nous rejette li. Mais si nous introduire ene kitchose dans deen et ki ena preuve pour sa et ki Musalman pe bénéficier, alors li acceptable.

### 1. Swahih Muslim Hadith 1017a (Swahih)

Hazrat Jarir b. Abdullah (رضي الله عنه) fine reporter .... Ki le messenger d'Allah (ﷺ) fine dire: ( مَنْ سَنَّ فِي الْإِسْلَامِ سُنَّةً حَسَنَةً فَلَهُ أَجْرُهَا وَأَجْرُ مَنْ عَمِلَ بِهَا )

بَعْدَهُ مِنْ غَيْرِهَا؟ يَنْقُصُ مِنْ أَجُورِهِمْ شَيْءٌ وَمَنْ سَنَّ فِي الْإِسْلَامِ سُنَّةً سَيِّئَةً كَانَ عَلَيْهِ وِزْرُهَا وَوِزْرُ مَنْ عَمِلَ بِهَا مِنْ بَعْدِهِ مِنْ غَيْرِهَا؟ يَنْقُصُ مِنْ أَوْزَارِهِمْ

شَيْءٌ ) 'Celui ki introduire ene bon action dans Islam, li pou gagne so récompense et récompense de celui ki fer (suivre) li apres li, sans ki kitchose diminuer depuis zot thawaab. Et celui ki introduire ene mauvais action dans deen, li pou gagne so fardeau et fardeau de celui ki fer (suivre) li apres li, sans ki kitchose diminuer depuis zot fardeau.' Le mot (سَنَّ) en arabe veut dire introduire, etablir. Sa veut dire ki pas ti exister avant. Donc ena sa ki bon aussi.

### 2. Swahih Bukhari Hadith 1149 (Swahih)

Hazrat Abu Huraira (رضي الله عنه) fine dire ki dans l'heure Fajr, le prophète (ﷺ) fine demande Hazrat Bilal (رضي الله عنه): ( يَا بِلَالُ حَدِّثْنِي بِأَرْجَى عَمَلٍ عَمِلْتَهُ فِي )

الْإِسْلَامِ، فَإِنِّي سَمِعْتُ دَفَّ نَعْلَيْكَ بَيْنَ يَدَيْ فِي الْجَنَّةِ ". قَالَ مَا عَمَلْتُ عَمَلًا أَرْجَى عِنْدِي أَلَّا لَمْ أَتَطَهَّرْ طَهُورًا فِي سَاعَةِ لَيْلٍ أَوْ نَهَارٍ إِلَّا صَلَّيْتُ بِذَلِكَ الطُّهُورِ

مَا كُتِبَ لِي أَنْ أَصَلِّيَ ) 'dire moi de sa bon kitchose ki to fer dans Islam, parski mo fine entendre to pas (li pieds) par devant moi dans Jannah.' Hazrat Bilal

(رضي الله عنه) fine dire: ‘mo pas fer narien ki vaut mentionner excepter ki a chaque fois ki mo fer wudhu pendant la journée ou a soir, mo fer ibaadah combien fine écrire pour moi apres wudhu.’. Question: Eski Hazrat Bilal (رضي الله عنه) ti demande permission avant fer sa? Si ti demande permission ou si ti déjà fer avant, ki fer Rasoulullah (ﷺ) fine pose question ? Eski Hazrat Bilal (رضي الله عنه) pas fine introduire ene nouveau swalaat apres wudhu? C’est ene Bid’ah ki Hazrat Bilal (رضي الله عنه) fine fer mais li acceptable.

### 3. Swahih Bukhari Hadith 7375 (Swahih)

Hazrat 'Aisha (رضي الله عنها) rapporter ki le prophète (ﷺ) fine envoye (ene l’armée) sous l’ordre de ene personne (homme) ki ena l’habitude fer Imaam pour ban compagnons dans swalaat et li pour termine so tilaawat par (surah ikhlaas) ‘Dire: Li Allah, l’Unique’. Kan zot fine retourner, zot fine mentionne sa au prophète (ﷺ). Li fine dire: ‘demande li ki fer li fer sa’ Zot fine demande li et li fine dire: ‘mo fer sa parski ena mention de qualité de Ar Rahman et mo content récite li

(dans mo swalaat).’ Le prophète (ﷺ) fine dire: ( أَخْبِرُوهُ أَنَّ اللَّهَ يُحِبُّهُ ) ‘informe li ki Allah content li’. Sa sahabi la ti ena l’habitude lire surah ikhlaas apres surah faatiha et ene lot surah dans chaque raka’ah. Eski Rasoulullah (ﷺ) ti déjà fer li ? Si c’est ene kitchose ki ti déjà pe fer, alors ki fer ban swahabah fine pose question ? Eski Rasoulullah (ﷺ) fine dire ki li fine introduire ene mauvais kitchose ? donc c’est ene bon kitchose ki sa sahabi la fine introduire dans deen meme ki Rasoulullah (ﷺ) jamais fine fer li avant sa. Sahabi la fine introduire ene kitchose dans swalaat ki fer parti de deen.

### 4. Swahih Bukhari Hadith 799 (Swahih)

Hazrat Rifa'a bin Rafi Az Zuraqi (رضي الله عنه) dire: ‘ene jour nous ti pe fer swalaat derrière le prophète (ﷺ). Kan li fine lève so la tête depuis sajdah, li ti dire "Sami'allaahu Liman hamida." Ene personne derrière li (ﷺ) fine dire : "Rabbana walakal hamd hamdan Kathiran taiyiban mubarakan fihi". Kan le prophète (ﷺ)

fine fini swalaat, li ti demander : "ki sanla fine dire sa ban mots la?" La personne ti répondre : "moi" Le prophète (ﷺ) ti dire, ( رَأَيْتُ بُصَةً وَثَلَاثِينَ مَلَكًا )

( يَبْتَدِرُونَهَا ) "Mo fine trouve plus ki 30 farishta pe presser pour écrire li en premier" ... Sa sahabi la même ki li fine introduire ene phrase dans swalaat, nous Rasoul (ﷺ) pas fine dire ki li haraam. C’est ene bid’ah parski avant sa nous Rasoul (ﷺ) jamais fine fer li. Sinon ki fer nous Rasoul (ﷺ) fine pose question ?

### 5. Swahih Bukhari Hadith 2010 (Swahih)

Hazrat Abu Huraira (رضي الله عنه) dire ki le messenger d’Allah (ﷺ) fine dire: ‘celui ki fer ibaadat la nuit pendant le mois de Ramadan avec sincérité et l’espoir de récompense depuis Allah, alors tout so ban péchés avant pour etre pardonner.' ..... (dans l’époque hazrat Umar (رضي الله عنه)) Hazrat 'Abdur Rahman bin 'Abdul Qari (رضي الله عنه) dire, "mo fine sorti avec 'Umar bin Al-Khattab ene nuit dans Ramadan vers masjid et ti ena ban dimoune de différent groupes. Ene dimoune ti pe fer swalaat tout seul ou ene dimoune ti pe fer swalaat et ene groupe ti derrière li. Alors, 'Umar ti dire, 'Mo trouver ki si mo regroupe ban dimoune derrière ene seul Qari li meilleur'. Alors li fine décider pour regroupe zot derrière Ubai bin Ka'b. Donc, ene lot la nuit, mo fine alle encore avec li et dimoune ti

pe fer swalaat derrière zot Qari. 'Umar dire, ( قَالَ عَمْرُ نِعَمَ الْبِدْعَةِ هَذِهِ ) ‘(Quelle excellente innovation c'est.) Ki kaliter bon innovation sa eter’ .... Ici pe kose lors namaz Taraweeh ki dans l’époque nous Rasoul (ﷺ) et hazrat abu bakr (رضي الله عنه), jamais ti fer en jama’ah. C’est hazrat Umar (رضي الله عنه) ki fine introduire swalaat taraweeh en jama’ah.

Aster ... Eski ena kikene ki capave taxer sa ban swahaba la de Bid’ati ???